

COMISIÓN INFORMATIVA DE COOPERACIÓN, INFRAESTRUTURAS E MEDIO RURAL

ACTA da mencionada comisión informativa, correspondente ao día **9 de decembro de 2021**

Ás 17.30 horas do día 9 de decembro de 2021, reúnese a comisión informativa de Cooperación, Infraestruturas e Medio Rural, no salón de sesións da Deputación Provincial, coa asistencia dos seguintes deputados e deputadas:

Presidente: D. Pablo Pérez Pérez

Deputados/as do Grupo Popular:

D.^a Ana Patricia Torres Madureira

D. Álvaro José Fernández Pérez

D. Miguel Antonio Cid Álvarez

D.^a Ana María Villarino Pardo

Deputados/as do Grupo Socialista:

D.^a Susana Rodríguez Estévez

D.^a Margarita Pérez Fernández

D.^a Rosario Rodríguez Delgado

Deputado de Democracia Ourensana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa

Secretario: D. Juan Marquina Fuentes

Interventora: D.^a Begoña Álvarez Matos

Non asiste o deputado do Grupo Popular don Jorge Pumar Tesouro (substituído por dona Ana María Villarino Pardo) nin os do Grupo Socialista don Aurentino Alonso Araújo y dona Elvira Lama Fernández (substituídos por dona Susana Rodríguez Estévez e dona Margarita Pérez Fernández)

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 17 DE NOVIEMBRE DE 2021.-

Pola Secretaría Xeral deuse traslado do borrador da acta anterior, correspondente á ordinaria do día 17 de novembro de 2021.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa de Cooperación, Infraestruturas e Medio Rural do día 17 de novembro 2021, conforme co borrador elaborado pola Secretaría Xeral.

2º.- CAMBIO DE TITULARIDADE, A FAVOR DO CONCELLO DE ALLARIZ, DE TREITOS DE ESTRADAS PROVINCIAIS.-

Dáse conta da proposta da Presidencia.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Primeiro: Dar a conformidade da Deputación Provincial de Ourense ao cambio de titularidade a prol do Concello de Allariz (Ourense) dos seguintes treitos de estradas provinciais:

CLAVE	DENOMINACIÓN	P.Q.INI.	COORDENADAS UTM 29 - ETRS 89	P.Q.FIN	COORDENADAS UTM 29 - ETRS 89
OU-0152	Allariz (OU-320) - Allariz (N-525)	0+000	599.152, 4.671.355	1+100	599.963, 4.671.657

Segundo: Solicitar a conformidade do referido concello para a tramitación do cambio de titularidade, de estar de acordo coa proposta, consonte co previsto no artigo 9.4 da Lei 8/2013 de estradas de Galicia, e o artigo 18 do seu regulamento.

Terceiro: De acordo co establecido no artigo 9.6 da Lei 8/2013, do 28 de xuño, de estradas de Galicia, o cambio de titularidade será efectivo ao día seguinte da publicación do Decreto da Xunta de Galicia no DOG. A entrega dos bens formalizarase no prazo dos dous meses seguintes a esta publicación mediante a sinatura da correspondente acta de entrega entre as Administracións intervenientes.

Cuarto: Logo da tramitación do cambio de titularidade, e en aplicación dos números 4 e 6 do artigo 10 da Lei 8/2013, de estradas de Galicia, a Deputación Provincial de Ourense deberá modificar o seu catálogo de estradas para incluír os cambios de titularidade aos que se refire o presente acordo.

3º.- CAMBIO DE TITULARIDADE, A FAVOR DO CONCELLO DO CARBALLIÑO, DE TREITOS DE ESTRADAS PROVINCIAIS.-

Dáse conta da proposta da Presidencia.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Primeiro: Dar a conformidade da Deputación Provincial de Ourense ao cambio de titularidade a prol do Concello do Carballiño (Ourense) dos seguintes treitos de estradas provinciais:

CLAVE	DENOMINACIÓN	P.Q.INI.	COORDENADAS UTM 29 - ETRS 89	P.Q.FIN	COORDENADAS UTM 29 - ETRS 89
OU-0460	Travesía do Carballiño	0+000	575.667, 4.697.899	0+598	575.157, 4.698.199

Segundo: Solicitar a conformidade do referido concello para a tramitación do cambio de titularidade, de estar de acordo coa proposta, consonte co previsto no artigo 9.4 da Lei 8/2013 de estradas de Galicia, e o artigo 18 do seu regulamento.

Terceiro: De acordo co establecido no artigo 9.6 da Lei 8/2013, do 28 de xuño, de estradas de Galicia, o cambio de titularidade será efectivo ao día seguinte da publicación do Decreto da Xunta de Galicia no DOG. A entrega dos bens formalizarase no prazo dos dous meses seguintes a esta publicación mediante a sinatura da correspondente acta de entrega entre as Administracións intervinientes.

Cuarto: Logo da tramitación do cambio de titularidade, e en aplicación dos números 4 e 6 do artigo 10 da Lei 8/2013, de estradas de Galicia, a Deputación Provincial de Ourense deberá modificar o seu catálogo de estradas para incluír os cambios de titularidade aos que se refire o presente acordo.

4º.- CAMBIO DE TITULARIDADE, A FAVOR DO CONCELLO DE OURENSE, DE TREITOS DE ESTRADAS PROVINCIAIS.-

Dáse conta da proposta da Presidencia.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Primeiro: Dar a conformidade da Deputación Provincial de Ourense ao cambio de titularidade a prol do Concello de Ourense (Ourense) dos seguintes treitos de estradas provinciais:

CLAVE	DENOMINACIÓN	P.Q.INI.	COORDENADAS UTM 29 - ETRS 89	P.Q.FIN	COORDENADAS UTM 29 - ETRS 89
OU-0568	Rúa Quintián - Alejandro Pedrosa (OU-0526)	0+000	592.675, 4.689.537	1+140	593.151, 4.690.087
OU-0526	Ourense (OU-0551) - Amoeiro (OU- 0524)	0+000	593.151, 4.690.087	0+507	593.049, 4.690.515

Segundo: Solicitar a conformidade do referido concello para a tramitación do cambio de titularidade, de estar de acordo coa proposta, consonte co previsto no artigo 9.4 da Lei 8/2013 de estradas de Galicia, e o artigo 18 do seu regulamento.

Terceiro: De acordo co establecido no artigo 9.6 da Lei 8/2013, do 28 de xuño, de estradas de Galicia, o cambio de titularidade será efectivo ao día seguinte da publicación do Decreto da Xunta de Galicia no DOG. A entrega dos bens formalizarase no prazo dos dous meses seguintes a esta publicación mediante a sinatura da correspondente acta de entrega entre as administracións intervinientes.

Cuarto: Logo da tramitación do cambio de titularidade, e en aplicación dos números 4 e 6 do artigo 10 da Lei 8/2013, de estradas de Galicia, a Deputación Provincial de Ourense deberá modificar o seu catálogo de estradas para incluír os cambios de titularidade aos que se refire o presente acordo.

5º.- CAMBIO DE TITULARIDADE, A FAVOR DO CONCELLO DE XINZO DE LIMIA, DE TREITOS DE ESTRADAS PROVINCIAIS.-

Dáse conta da proposta da Presidencia.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Primeiro: Dar a conformidade da Deputación Provincial de Ourense ao cambio de titularidade a prol do Concello de Xinzo de Limia (Ourense) dos seguintes treitos de estradas provinciais:

CLAVE	DENOMINACIÓN	P.Q.INI.	COORDENADAS UTM 29 - ETRS 89	P.Q.FIN	COORDENADAS UTM 29 - ETRS 89
OU-1102	Xinzo (N-525) –	0+000	605.715, 4.657.726	0+310	605.940, 4.657.947

	Vilar de Barrio				
--	-----------------	--	--	--	--

Segundo: Solicitar a conformidade do referido concello para a tramitación do cambio de titularidade, de estar de acordo coa proposta, consonte co previsto no artigo 9.4 da Lei 8/2013 de estradas de Galicia, e o artigo 18 do seu regulamento.

Terceiro: De acordo co establecido no artigo 9.6 da Lei 8/2013, do 28 de xuño, de estradas de Galicia, o cambio de titularidade será efectivo ao día seguinte da publicación do Decreto da Xunta de Galicia no DOG. A entrega dos bens formalizarase no prazo dos dous meses seguintes a esta publicación mediante a sinatura da correspondente acta de entrega entre as administracións intervenientes.

Cuarto: Logo da tramitación do cambio de titularidade, e en aplicación dos números 4 e 6 do artigo 10 da Lei 8/2013, de estradas de Galicia, a Deputación Provincial de Ourense deberá modificar o seu catálogo de estradas para incluír os cambios de titularidade aos que se refire o presente acordo.

6º.- MOCIÓN DO BNG EN DEFENSA DOS PRODUTORES DO SECTOR PRIMARIO.-

D. Bernardo Varela López, do BNG, explica con detalle a iniciativa política do seu grupo relativa á defensa dos produtores do sector primario e das súas propostas de acordo.

Non se producen máis intervencións e co voto favorable do BNG e a abstención do Grupo Popular (5), do Grupo Socialista (3), de DO (1) e da deputada non adscrita, a comisión ditamina favorablemente a adopción, por parte do Pleno, do seguinte acordo:

1. Instar á Xunta de Galiza a promover un foro de encontro, debate e negociación arbitrado e moderado pola Conselleira de Medio Rural, onde estean representados todos os actores da cadea de produción e obtención do leite e derivados: produtores e produtoras; cooperativas, industria e especialmente distribución.

2. Instar á Xunta de Galiza á mobilización de terras para ampliar a superficie das explotacións agrogandeiras, en concreto, 100.000 hectáreas de superficie agraria útil de aquí ao 2030, o que tamén permitiría que o sector tivese máis axudas da PAC, pois o factor da extensión da explotación xoga a favor.

3. Instar ao Ministerio a crear mecanismos oficiais para o establecemento de custos de referencia e prezos xustos:

1. Demandar do goberno do Estado que no desenvolvemento da Lei da cadea alimentaria se dote aos sectores produtivos dunha ferramenta obxectiva que fixe uns custos de produción de referencia vinculantes e obrigatorios.

2. A creación dun sistema de mediación de contratos agrarios e gandeiros ao nivel de cada comunidade autónoma.

3. Actuacións inmediatas diante de calquera vulneración da Lei da cadea alimentaria, nomeadamente os pagos a prezos por embaixo de custo de produción
4. Demandar o cumprimento da Lei da cadea alimentaria por parte da grande distribución, vixiando que os prezos de venda ao público non desequilibren a cadea e permitan cubrir os custos de produción e remunerar o traballo.
4. Demandar da Xunta e do Goberno do Estado en cumprimento da Lei da cadea alimentaria, a obrigatoriedade de facer garantir a inclusión das subas de custo de produción e a prohibición de prezos que supoñan para o sector produtor a venda a perdas.
5. Demandarlle á Conselleira de Medio Rural que convoque a “Mesa do Leite” de xeito inmediato.
6. Demandar da Xunta de Galiza que, en colaboración coa Deputación de Ourense, establecer un programa de axudas directas aos sectores gandeiros produtivos primarios da carne en Galiza, de xeito urxente e a curto prazo, orientadas a paliar as perdas producidas pola Covid-19 e a garantir a continuidade das granxas, moitas delas situadas en zonas desfavorecidas e de alta montaña.
7. Demandar da Xunta de Galiza activar estas axudas, autorizando un pago adicional por becerro sacrificado vinculado á vaca nutriz que permita equilibrar os prezos; ou ben facendo un pagamento directo por vaca nutriz ou por granxa, para deste xeito asegurar que se está a pagar directamente a quen cría os becerros.
8. Demandar da Xunta de Galiza que, en colaboración coa Deputación de Ourense, elabore un plan estratéxico de comercialización dos produtos de proximidade e de calidade a través das plataformas electrónicas e baixo a modalidade online ou de venda directa. Faise necesario formar e capacitar a estes pequenos/as gandeiros nas ferramentas TIC para salvar a fenda dixital cada día máis enorme no noso rural, e tendo en conta a estrutura demográfica con titulares de idade avanzada á fronte deste tipo de explotacións gandeiras.
9. Demandar da Xunta de Galiza que, en colaboración coa Deputación de Ourense, deseñe e poña en práctica un programa de estratexias na innovación tecnolóxica nas granxas de produción de carne, como a investigación en materia de elaboración de novos produtos elaborados, envases con novas técnicas de conservación, busca de novos mercados exteriores (acordos para fomento da internacionalización), fomento da programación de partos, co fin de desestacionalizar a produción e adecuar a produción á demanda real. É preciso asegurar unhas condicións de viabilidade técnica e económica na incorporación de novos mozos/as á actividade gandeira de produción de carne, así como no relevo xeracional á fronte das granxas existentes.
10. En pro da competitividade e da eficiencia enerxética, instar á Xunta de Galiza e ao Goberno do Estado a establecer unha Tarifa Eléctrica Galega que permita abaratar custos nun país rico en electricidade. Non ten sentido que o rural galego sume 4.500 aeroxeradores sen recibir ningún beneficio sobre a factura da luz, que cada vez é máis cara mentres o lobby eléctrico engorda beneficios.

7º.- MOCIÓN DE URXENCIA.- Logo da declaración, por unanimidade, da súa urxencia, tratáronse os seguintes asuntos:

7ª.- CAMBIO DO MODO DE XESTIÓN DO SERVIZO PÚBLICO INTERMUNICIPAL DELEGADO DE RECOLLIDA E TRATAMENTO DE RESIDUOS SÓLIDOS URBANOS (RSU) DA DEPUTACIÓN PROVINCIAL DE OURENSE.

O presidente da comisión dá conta da tramitación do presente expediente e procede a dar lectura á proposta de acordo do grupo de goberno sobre este asunto.

D.ª Rosario Rodríguez Delgado, do Grupo Socialista, sinala que o seu grupo se vai abster na votación deste asunto, xa que entenden que os concellos que no seu día delegaron a competencia de prestación deste servizo o fixeron cando este se xestionaba de forma directa pola DPO e engade que nesta mesma mañá o seu grupo solicitou unha reunión co comité de empresa para coñecer a opinión dos traballadores afectados por esta medida respecto da proposta que fai o grupo de goberno.

O presidente da comisión entende que a forma de xestión directa ou indirecta están recollidas no convenio marco que regula a delegación deste servizo polos concellos, e conta cunha serie de mecanismos de control. Así, explica que tiveron que reunirse as comisións de seguimento, vixilancia e control das unidades territoriais do convenio de cooperación e a proposta debeu someterse a votación entre os concellos, xa que ese mecanismo de control previsto esixe a maioría absoluta dos concellos para que se poida continuar o trámite. Explica que convocados 55 concellos, asistiron 47 e o resultado foi de 1 único voto en contra, 6 abstencións e o resto dos votos a favor. Sobre a solicitude de reunión co comité de empresa indica que lle parece unha medida perfecta, se ben engade que el xa falou deste asunto co presidente do comité.

D. Bernardo Varela López, do BNG, sinala que xa teñen manifestado anteriormente as súas dúbidas sobre a conveniencia do cambio proposto, xa que entende que este servizo que presta a DPO por delegación, e por xestión directa, funciona razoablemente ben e ten unha boa percepción e aceptación pola veciñanza. Engade que ao ter que incrementarse o custo do servizo do beneficio industrial e o IVE, dificilmente vai manter o seu prezo e é previsible que se teñan que incrementar as taxas pola prestación do servizo. En todo caso indica que se trata dun servizo de moita importancia e no que hai moita marxe de mellora, en particular na xestión do FORSU (Fracción Orgánica dos Residuos Sólidos Urbanos) e cada vez maiores esixencias da normativa europea. Remata pedindo que se teñan en conta todas estas circunstancias, especialmente as ambientais, na redacción das cláusulas administrativas e prescricións técnicas do expediente de contratación.

O presidente da comisión sinala que na súa opinión con este cambio no modo de xestión do servizo vai traer melloras en canto a súa eficiencia, innovación e calidade.

Non se producen máis intervencións e co voto favorable do Grupo Popular (5), de Do (1) e da deputada non adscrita e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º. Considerar que a forma máis adecuada para a prestación do servizo público intermunicipal delegado de recollida e tratamento de residuos sólidos urbanos (RSU) da Deputación Provincial de Ourense, polos motivos acreditados no expediente de referencia, é a de xestión indirecta, a cal deberá prestarse a través das formas previstas na Lei 9/2017 de Contratos do sector público: contrato de servizos con prestación directa a favor da cidadanía, ou contrato de concesión de servizos.

2º. Aprobar inicialmente a modificación do modo de xestión do servizo público intermunicipal delegado de recollida e tratamento de residuos sólidos urbanos (RSU) da Deputación Provincial de Ourense, pasando de xestión directa a xestión indirecta, de acordo coa memoria xustificativa incorporada ao expediente.

3º. Someter o presente acordo de aprobación inicial a un trámite de información pública por un prazo de vinte (20) días hábiles, en cumprimento do establecido no artigo 83 da Lei 39/2015, do procedemento administrativo común das administracións públicas, mediante anuncio inserido na sede electrónica da Deputación e no Boletín Oficial da Provincia, para a presentación de reclamacións e suxestións, que, de ser o caso, deberán ser resoltas polo Pleno. No caso de non presentarse reclamacións ou suxestións en prazo, entenderase automaticamente elevado a definitivo o acordo de aprobación inicial.

7ºB.- MODIFICACIÓN DA ORDENANZA REGULADORA DO SERVIZO INTERMUNICIPAL DE RECOLLIDA DE RESIDUOS URBANOS XESTIONADO POLA DEPUTACIÓN PROVINCIAL DE OURENSE POR DELEGACIÓN DOS CONCELLOS DA PROVINCIA

Dáse conta da proposta da Presidencia.

Non se producen intervencións e co voto favorable do Grupo Popular (5), de DO (1), do BNG (1) e da deputada non adscrita e a abstención do Grupo Socialista (3), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente a modificación do anexo I da vixente da ordenanza reguladora do servizo intermunicipal de recollida de residuos urbanos xestionado pola Deputación Provincial de Ourense por delegación dos concellos da provincia no seguinte teor:

ANEXO I- Ámbito de aplicación da Ordenanza Provincial de Ourense de Recollida de Residuos.

I.a- Aplicación íntegra:

1. Amoeiro
2. Avión

3. Baltar
4. Bande
5. Beariz
6. Blancos, Os
7. Boborás
8. Bola, A
9. Bolo, O
10. Calvos de Randín
11. Carballada de Valdeorras
12. Carballiño, O
13. Castrelo de Miño
14. Castro Caldelas
15. Chandrexa de Queixa
16. Coles
17. Entrimo
18. Gudiña, A
19. Irixo, O
20. Larouco
21. Lobeira
22. Lobios
23. Maceda
24. Manzaneda
25. Montederramo
26. Muíños
27. Padrenda
28. Pereiro de Aguiar
29. Peroxa, A
30. Petín
31. Pobra de Trives
32. Porqueira
33. Punxín
34. Rairiz de Veiga
35. Ribadavia
36. Riós
37. Rúa, A
38. Rubiá
39. San Amaro
40. San Cibrao das Viñas
41. San Cristovo de Cea
42. San Xoán de Río
43. Sandiás
44. Sarreaus
45. Taboadela
46. Teixeira, A
47. Toén
48. Trasmiras
49. Veiga, A
50. Viana do Bolo
51. Vilamarín

52. Vilamartín de Valdeorras
53. Vilar de Barrio
54. Vilariño de Conso
55. Xinzo de Limia

I.b- Aplicación parcial, relativa á recollida ordinaria separada (fraccións de recollida selectiva) de residuos de competencia municipal delegada na Deputación provincial de Ourense:

I.b.1-Recollida ordinaria separada e de proximidade:

I.b.1.1- Envases lixeiros:

1. Baños de Molgas
2. Castrelo do Val
3. Cualedro
4. Esgos
5. Laza
6. Maside
7. Melón
8. Mezquita, A
9. Monterrei
10. Nogueira de Ramuín
11. Oímbra
12. Paderne de Allariz
13. Parada de Sil
14. Verín
15. Vilardevós
16. Xunqueira de Ambía
17. Xunqueira de Espadañedo

I.b.1.2- Papel-cartón

1. Allariz
2. Cualedro
3. Maside
4. Melón
5. Mezquita, A
6. Vilar de Santos

I.b.1.3- Vidro

1. Castrelo do Val
2. Cualedro
3. Laza
4. Maside
5. Melón
6. Mezquita, A
7. Monterrei
8. Oímbra
9. Vilardevós

I.b.2-Recollida ordinaria separada en puntos limpos (fixos ou móbiles):

1. Castrolo do Val
2. Cualedro
3. Laza
4. Mezquita, A
5. Monterrei
6. Oímbra
7. Verín
8. Vilar de Santos
9. Vilardevós

2º.- Someter o presente expediente e o acordo de aprobación inicial ao trámite de información pública, por un prazo de trinta (30) días hábiles, mediante a inserción de anuncios no BOP de Ourense, na sede electrónica da Deputación, todo isto de conformidade co previsto no artigo 17 do texto refundido da Lei reguladora das facendas locais. Durante o dito prazo, as persoas interesadas poderán formular as reclamacións que consideren oportunas, as cales deberán ser resoltas polo pleno da corporación provincial, a través de acordo de aprobación definitiva. No caso de que non se formulasen reclamacións en prazo, o acordo de aprobación inicial elevarase a definitivo, sen necesidade de acordo plenario expreso.

8º.- ROGOS E PREGUNTAS.- Non se realizan.

E ás 18.10 horas dáse por finalizada a reunión, redactándose a presente acta que se asinará electronicamente. Dou fe.